

山中白雲詞

山中白雲詞

宣統三年季夏出版

每部四冊
定價壹圓

板權所有

總發行所 龍文閣書莊

北京琉璃廠

天津大胡同

分發行所 龍文閣書莊

上海棋盤街

掃葉山房

上海棋盤街

集成圖書公司

代售處
各省各大書坊

山中白雲詞序

詞盛於北宋至南宋乃極其工姜夔堯章最為傑出宗之者史達祖高觀國盧祖臯吳文英蔣捷周密陳允平諸名家皆具夔之一體而張炎叔夏庶幾全體具矣仇仁近謂叔夏詞意度超玄律呂協洽當與白石老仙相鼓吹顧白石風骨清勁誠如沈伯時所云未免有生硬處叔夏則和雅而精粹讀其樂府指迷一書為古今填詞準則夫豈斤斤墨守堯章者秀水朱先生竹垞采入詞綜三十九闕數已倍于他氏乃猶云吳門錢進士宮聲家有藏本為陶南邨手書多至三百闕所見猶未及半不免漏萬之譏故世甚貴重叔夏之詞而欲購其完書不可得康熙乙酉冬余

奉

命分纂

御選歷代詞始得竹垞所寄玉田詞抄本時亦未知有山中白雲名目也迨己丑春復

命修

欽定詞譜同館樓敬思眎余山中白雲詞蓋錢唐龔氏所刊當是陶南邨手書本子為完書無疑既而失之嘆恨不能已比上海曹子巢南氏重加校刊惠余一帙余驚喜出望外往時余友周緯蒼謂余云上海某氏有白石詞三百餘闕亦出自陶南邨手書若巢南并購得之並為刊布則是兩家足以概南宋從此泝源北宋研味乎淮海清真一

歸諸和雅則詞之能事畢矣其有功於詞學豈淺哉雍正
四年春二月浣花詞客杜詔書于吳江舟次

吾識張循王孫玉田先輩喜其三十年汗漫南北數千里
一片空狂懷抱日日化雨為醉自仰板姜堯章史邦卿盧
蒲江吳夢窗諸名勝互相鼓吹春聲於繁華世界飄飄微
情節節弄拍嘲明月以謔樂賣落花而陪笑能令後三十
年西湖錦繡山水猶生清響不容半點新愁飛到遊人眉
睫之上自生一種歡喜痛快豈無柔劣少年於萬花叢中
喚取新鶯穉蝶群然飛舞下來為之賞聽三外野人所南
鄭思肖書於無何有之鄉

讀山中白雲詞意度超玄律呂協洽不特可寫音檀口亦
可被歌管薦清廟方之古人當與白石老仙相鼓吹世謂
詞者詩之餘然詞尤難於詩詞失腔猶詩落韻詩不過四
五七言而止詞乃有四聲五音均拍重輕清濁之別若言
順律舛律協言謬俱非本色或一字未合一句皆廢一句
未妥一闋皆不光采信夏夏乎其難又怪陋邦腐儒窮鄉
村叟每以詞為易事酒邊興豪即引紙揮筆動以東坡稼
軒龍洲自況極其至四字沁園春五字水調七字鷓鴣天
步蟾宮拊几擊缶同聲附和如梵唄如步虛不知宮調為
何物令老伶俊娼面稱好而背竊笑是豈足與言詞哉余
幼有此癖老頗知難然已有三數曲流傳朋友間山歌村

謠是豈足與叔夏詞比哉古人有言曰鉛汞交鍊而丹成
情景交鍊而詞成指迷妙訣吾將從叔夏北面而求之山
村居士仇遠

宋南渡勲王之裔子玉田張君自社稷變置凌烟廢墮落
魄縱飲北游燕薊上公車登承明有日矣一日思江南菰
米蓴絲慨然襆被而歸不入古杭扁舟剡水東西為漫浪
游散囊中千金裝吳江楚岸楓丹葦白一奚童負錦囊自
隨詩有姜堯章深婉之風詞有周清真雅麗之思畫有趙
子固瀟灑之意未脫承平公子故態笑語歌哭騷姿雅骨
不以夷險變遷也其楚狂與其阮籍與其賈生與其蘇門
嘯者與歲丁酉三月客我寧海將登台峰於其行也舉觴
贈言是月既望閨風舒岳祥八十歲書

詞與辭字通用釋文云意內而言外也意生言言生聲聲
生律律生調故曲生焉花間以前無雜譜秦周以後無雅
聲源遠而派別也西秦玉田張君著詞源上下卷推五音
之數演六六之譜按月紀節賦情詠物自稱得聲律之學
於守齋楊公南溪徐公淳祐景定間王邸侯館歌舞升平
君王王疑作方處樂不知老之將至下有缺文梨園白髮凖宮蛾眉
餘情哀思聽者淚落君亦因是棄家客游無方三十年矣
昔柳河東銘姜祕書閔王孫之故態銘馬淑婦感謳者之
新聲言外之意異世誰復知者覽君詞卷撫几三嘆江陰
陸文奎

聲音之道久廢玉田張君獨振夏乎喪亂之餘豈特藉以
怡適性情殆將以繼其傳也後之君子得是帙而邇之則
去希微不遠矣况幾經兵燹猶自璧全非天有以寶之能
至此乎尚德君子幸共表章庶於好古之懷無憾焉耳吳
門孝思殷重識

成化丙午春二月朔偶見是帙鶴城東門藥肆中即購得之南村先生手鈔者蓋百餘年矣凡三百首惜無錄目五月初九日輯錄以便檢閱或笑余衰遲目眩何不求諸善書者曰身健在飽食終日豈不勝博奕乎何計字之工拙使得時時展玩恍惚坐春風中聽玉田子慷慨灑落之言笑焉併錄以記歲月井時年六十有五

余曩客都亭從宋員外牧仲借鈔玉田詞僅一百五十三
闕越數年復覩山中白雲全卷則吾鄉朱檢討竹垞錄錢
編修庸亭所藏本也累楮百翻多至三百首始識向購特
半豹耳參殷孝思璧全二語更閱陸輔之詞旨載樂笑翁
警句奇對無有出於是編之外者知為完書無疑竹垞釐
卷為八與諸同志辨正魚魯緘寄白門余復與龔主事衡
圃取他本校對或字句互異題目迥別則增入兩存之鉅
棗以傳可稱善本繼又從戴帥初袁清容集內得送贈序
疏與詩因附刻於後而其生平約畧可見余布袍落魄放
浪形骸自謂頗類玉田子年來亦以倚聲自遣愛讀其詞
今得是帙日與古賢為友移我情矣嘉興李符

玉田生系出朱郎遭逢不偶遺行不少概見今讀詞集觀其紀地紀時而出處歲月宛然在目如末卷所賦風入松自識為至大庚戌作賦臨江仙又云甲寅秋寓吳時年六十有七則此甲寅實元仁宗延祐元年也由此知宋理宗淳祐戊申為玉田生始生之歲第宋史載張循王有五子琦厚顏正仁玉田生出誰後惜無攷耳若舒序所稱北游燕薊蓋在少壯時迨至元庚寅始返江南而年已四十餘矣其先雖出鳳翔然居臨安久故游天台明州山陰平江義興諸地皆稱寓稱客而於吾杭必言歸感嘆故園荒蕪之作凡三四見又安得謂之秦人乎吾鄉詞人自周清真知名北宋其後與玉田生同時者惟仇山村為工他若避

山白雲言
俗翁句曲外史亦有足觀惜皆流傳無幾獨山中白雲得
陶井兩君後先藏護竹垞庸亭傳寫於今幸而不至散軼
余得借以鏤板嗚呼豈偶然哉錢塘龔翔麟

山中白雲詞目錄

卷一

南浦

高陽臺

憶舊遊

四調

淒涼犯

壺中天

即念奴嬌

聲聲慢

二調

綺羅香

慶春宮

國香

臺城路

即齊天樂
二調

三姝媚

二調

甘州

二調

掃花遊

二調

瑣窗寒

二調

木蘭花慢

疎影

渡江雲

水龍吟